

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog Otvorenog postupka za javnu nabavku roba – LABORATORIJSKA OPREMA za LOT 4 - Aparati za sušenje i zagrijavanje za potrebe Prirodno-matematičkog fakulteta Univerziteta u Sarajevu, objavljenog na Portalu javnih nabavki, broj: 654-1-1-184-3-9/20, dana 01.09.2020. godine i Odluke o izboru najpovoljnijeg ponuđača, broj: 01/01-1885/7-2020 od 13.10.2020. godine u Sarajevu dana 10.11.2020. godine zaključen je

OKVIRNI SPORAZUM O SUKCESIVNOJ ISPORUCI ROBA

između

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Nusret Drešković, dekan Fakulteta (u daljem tekstu: Naručilac),

i

MIKRO+POLO d.o.o. Sarajevo, ulica Pijačna 14K, 71000 Sarajevo, kojeg zastupa Miha Završnik, direktor (u daljem tekstu: Isporučilac)

Član 1.

Ovim Okvirnim sporazumom ugovorne strane su se sporazumjele da će Isporučilac roba tokom cijelog ugovornog perioda sukcesivno vršiti isporuku roba – **LABORATORIJSKA OPREMA za LOT 4 - Aparati za sušenje i zagrijavanje** planiranu potrebom Naručioaca roba i sa jediničnim cijenama utvrđenim u ponudi isporučioaca nakon E-aukcije, koja je sastavni dio ovog Okvirnog sporazuma.

Ovaj Okvirni sporazum ne predstavlja obavezu naručioca za nabavku roba od dobavljača. Obaveza nastaje tek kada se zaključi ugovor o javnoj nabavci ili se ispostavi narudžbenica od strane naručioca, u skadu sa uslovima iz tenderske dokumentacije i važećim propisima.

Član 2.

Okvirni sporazum se zaključuje po okončanom postupku javne nabavke potpisivanjem ugovornih strana, a primjenjuje se od datum potpisivanja Okvirnog sporazuma do završetka isporuke roba.

Okvirni sporazum primjenjuje se za pojedinačnu i sukcesivnu isporuku roba - **LABORATORIJSKA OPREMA za LOT 4 - Aparati za sušenje i zagrijavanje**.

Član 3.

Na osnovu ovog Okvirnog sporazuma ugovorne strane za prvu nabavku roba zaključiti će Ugovor o međusobnim pravima i obavezama radi realizacije Okvirnog sporazuma.

Tokom preostalog ugovornog perioda pod pisanim oblikom ugovora smatrat će se i ispostavljena narudžbenica od strane naručioca iz oblasti za koje je proveden otvoreni postupak nabavke.

Član 4.

Izvršilac se obavezuje da će robu koja je predmet ovog Okvirnog sporazuma isporučivati Naručiocu u skladu sa:

- pojedinačnim ugovorima ili izdatoj narudžbenici od strane Ugovornog organa (izdata po specifikaciji iz Ponude nakon E-aukcije koja se može smatrati pojedinačnim ugovorom
- uslovima iz tenderske dokumentacije i
- uslovima iz prihvaćene ponude.

Član 5.

Za period naveden članom 2. ovog Sporazuma neće se primjenjivati odredbe propisa kojim se uređuje postupak javne nabavke.

Za sve što nije regulisano ovim Okvirnim sporazumom ili pojedinačnim ugovorom sklopljenim na osnovu ovog Okvirnog sporazuma primjenjivat će se odgovarajuće odredbe važećeg Zakona o obligacionim odnosima.

Član 6.

Odredbe ovog Okvirnog sporazuma ne mogu se mijenjati nakon njegovog zaključenja.

Član 7.

Sve eventualne nesporazume ugovorne strane će rješavati dogovorno, a ako u tome ne uspiju eventualne sporove rješavat će nadležan Sud u Sarajevu.

Isporučilac nema pravo zapošljavati, u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 8.


Okvirni sporazum sačinjen je u četiri (4) istovjetna primjerka od kojih svaka ugovorna strana zadržava po dva (2) primjerka.

Član 9.

Ovaj Ugovor stupa na snagu danom potpisivanja.

ZA NARUČIOCA:

*Prirodno-matematički fakultet
Univerziteta u Sarajevu*



Prof.dr Nusret Drešković, dekan

Broj: 01/01-1885/11-2020

Datum: 10.11.2020. godine

ZA ISPORUČIOCA

MIKRO+POLO d.o.o., Sarajevo



Miha Završnik, direktor

Broj: 05-166-3.14.05/20

Datum: 10.11.2020. godine

UGOVOR O JAVNOJ NABAVCI ROBA
LABORATORIJSKA OPREMA za LOT 4 - Aparati za sušenje i zagrijavanje

Zaključen u Sarajevu dana 11.11.2020. godine, po osnovu zaključenog Okvirnog sporazuma broj: 01/01-1885/11-2020 od 10.11.2020. godine, a vezano za Odluku o dodjeli ugovora broj: 01/01-1885/7-2020 od godine 13.10.2020. godine između:

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Nusret Drešković, dekan Fakulteta (u daljem tekstu: *Naručilac*),

i

MIKRO+POLO d.o.o. Sarajevo, ulica Pijačna 14K, 71000 Sarajevo, kojeg zastupa Miha Završnik, direktor (u daljem tekstu: *Isporučilac*)

I PREDMET UGOVORA

Član 1.

Predmet ovog Ugovora je snabdjevanje **LABORATORIJSKOM OPREMOM za LOT 4 - Aparati za sušenje i zagrijavanje za potrebe Prirodno-matematičkog fakulteta Univerziteta u Sarajevu**, a na osnovu provedenog otvorenog postupka, objavljenog na Portalu javnih nabavki, broj: 654-1-1-184-3-9/20, dana 01.09.2020. godine.

Član 2.

Naručilac se ne obvezuje na nabavku utvrđenih okvirnih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može preći utvrđene okvirne količine. Stvarna nabavljena količina na osnovu zaključenog okvirnog sporazuma može biti jednaka ili manja od predviđene okvirne količine.

II CIJENE, PLAĆANJE I ISPORUKA

Član 3.

Izvršilac će snabdjevati naručioca po cijenama iz Ponude, koja je sastavni dio ovog Ugovora.

Član 4.

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=4.200,00 KM

(Slovima: četirihiljadestotina i 00/100 KM)

Porez na dodanu vrijednost (17%) iznosi:

=714,00 KM

(Slovima: sedamstotinačetnaest i 00/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=4.914,00 KM

(Slovima: četirihiljadestotinačetnaest i 00/100 KM)

Član 5.

Ugovorne strane su saglasne da se plaćanje vrši po urednoj isporuci predmeta ugovora i u roku od 30 dana od dana ispravno ispostavljenje fakture.

Član 6.

Izvršilac se obavezuje da će naručene proizvode isporučivati sukcesivno u skladu sa potrebama Ugovornog organa, u roku od 30 (trideset) dana, od datuma pismene narudžbe, mjesto isporuke FCO skladište naručioca.

U periodu od isporuke do uspješno izvršene primopredaje, odgovornost i rizik u pogledu slučajne nronasti, oštećenja ili gubitka nabavke roba iz člana 1. ovog Ugovora, snosi isporučilac.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

III TRAJANJE UGOVORA

Član 7.

Ugovor traje godinu dana od dana stupanja na snagu.

IV RASKID UGOVORA

Član 8.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

V ZAVRŠNE ODREDBE

Član 9.

Izvršilac kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 11.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 12.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

Dobavljač:
MIKRO-POLO d.o.o. Sarajevo
MIKRO-PROIZVODNJA, TRGOVINU I USLUGE
SARAJEVO
Miha Završnik, direktor

Naručilac:
Prirodno-matematički fakultet
Univerziteta u Sarajevu
Prof. dr. Nusret Drešković, dekan

Broj: 05-166-3.14/20
Datum: 11.11.2020. godine

Broj: 01/01-1885/12-2020
Datum: 11.11.2020. godine